


AWIG AWIG DESA ADAT  
“MANDUANG”  
KECAMATAN LAN KABUPATEN  
DAERAH TINGKAT II  
KLUNGKUNG



KASURAT OLEH :  
KRAMA DESA ADAT MANDUANG  
TAHUN 1987

PELAKSANAAN AWIG-AWIG DESA ADAT  
MANDUANG DIREMISKAN PADA  
TANGGAL 11 JANUARI 1988

OLEH :  
GUBERNUR KEPALA DAERAH TINGKAT I BALI  
(PROF. DR. IDA BAGUS MANTRA)

## **DAGING BUKU AWIG-AWIG DESA ADAT MANDUANG**

| <b>NO</b> | <b>DAGINYA</b>                             | <b>HALAMAN</b> |
|-----------|--------------------------------------------|----------------|
| 1.        | MURDA CITA Penyrurat Awig-awig .....       | ii             |
| 2.        | MURDA CITA Nguwuh-nguwuhin Awig .....      | iii            |
| 3.        | SARGA I Aran lan wewidangan Desa.....      | 1              |
| 4.        | SARGA II Petetis lan Pamikukuh .....       | 2              |
| 5.        | SARGA III Sukerta tata Agama.....          | 2              |
|           | 5.1 PALET 1 Dewa Yadnya.....               | 2              |
|           | 5.2 PALET 2 Rsi Yadnya.....                | 9              |
|           | 5.3 PALET 3 Indik Pitra Yadnya.....        | 10             |
|           | 5.4 PALET 4 Indik Manusa Yadnya .....      | 13             |
|           | 5.5 PALET 5 Indik Bhuta Yadnya.....        | 13             |
| 6.        | SARGA IV Sukerta Tata Prakraman.....       | 15             |
|           | 6.1 PALET 1 Indik Krama .....              | 15             |
|           | 6.2 PALET 2 Indik Prajuru .....            | 19             |
|           | 6.3 PALET 3 Indik Kulkul.....              | 23             |
|           | 6.4 PALET 4 Indik Paruman .....            | 24             |
|           | 6.5 PALET 5 Indik Druwen Desa.....         | 26             |
|           | 6.6 PALET 6 Sukerta Pamitegep.....         | 26             |
| 7.        | SARGA V Sukerta Tata Pawongan.....         | 33             |
|           | 7.1 PALET 1 Indik Pawiwahan .....          | 33             |
|           | 7.2 PALET 2 Indik Nyapian .....            | 36             |
|           | 7.3 PALET 3 Indik Sentana .....            | 37             |
|           | 7.4 PALET 4 Indik Warisan .....            | 39             |
| 8.        | SARGA VI Wicara lan Pamidanda .....        | 41             |
|           | 8.1 PALET 1 Indik Wicara .....             | 41             |
|           | 8.2 PALET 2 Indik Pamidanda .....          | 43             |
|           | 8.3 PALET 3 Indik Yadnya .....             | 46             |
| 9.        | SARGA VII Nguwuh nguuwuhin awig-awig ..... | 48             |
| 10.       | SARGA VIII Pemuput .....                   | 48             |

## “MURDA CITA”

OM SWASTIASTU

Saking kerta nugra Ida Sang Hyang Widhi Wasa, melarapan gilik saguluk/briyuk siu saha cita nirmala punika mawanan sida kasurat awig-awig Desa Adat Manduang puniki, duk paramunnya ring rahina Anggara Kasih Wara Julungwangi tanggal ping 3 (tiga) sasih keenem Isaka 1909 tanggal masehi 24 November 1987.

Awig-awig gumanti wantah pinaka bungkah pamikukuh Desa Adat, sajeroning midabdabin kalih nyanggra kasukertan krama desa rawuhing pawongnyane.

Saha malarapan antuk Tri Hita Karana dharma prawertinya ngerajegang Sang Hyang Aji Agama manut dresta. Sejawining dresta inucap, pamekas Pancasila, UUD 1945 tata titi miwah adnyan Sang rumaga guru wisesa tan kelempasin antuk awig-awig puniki.

Mogi-migi sida mikolihang manut patitisnyane.

OM CANTI CANTI CANTI OM

## MURDA CITA

### OM SWASTIASTU

Melerapan saking Kerta Wara Nugraha Ida Sang Hyang Widhi Wasa, tur pikayun gilik saguluk, salunglung sabayantaka, saka suci nirmala prasida nguwah-wuhin awig-awig Desa Adat Manduang duk peparuman ring rahina Sukra Wara Medangkungan, Purnama Kelima, Isaka 1923 tanggal 30 November 2001.

Awig-awig sane meuwah-uwuhin puniki gumanti wantah pinaka sasuluh tur pamikukuh Desa Adat Manduang, sejeroning anggen midabdabin kalih nyanggra kesukertan krama desa sinamian.

Saha malarapan antuk Tri Hita Karana tur dharma prewertinya ngerajegang Sang Hyang Agama manut dresta, minakadi tata titi miwah adnyan sang rumansa guru wisesa tan kelampiasin antuk awig-awig puniki.

Mogi-mogi sida molihang kesukertan manut tatujon nyane.

OM Santih Santih Santih OM

Manduang, 28 Maret 2002

## **SARGA I**

### **ARAN LAN WEWIDANGAN DESA**

#### ***Pawos 1***

1. Desa Adat puniki mewasta : Desa Adat Manduang
2. Jebar wiwidangan Desa Adat Manduang puniki mewates nyatur desa :
  - 2.1 Sisi Wetan : Tukad Kunyit/Desa Akah
  - 2.2 Sisi Kidul : Desa Besang
  - 2.3 Sisi kulon : Tukad Jinah/Desa Aan
  - 2.4 Sisi lor : Desa Selat
3. Wewidangan Desa Adat Manduang puniki ngawengku :
  - 3.1 Pura-pura
    - 3.1.1. Kahyangan Tiga
    - 3.1.2. Pura Empon Desa
    - 3.1.3. Pura Dadia
    - 3.1.4. Pura Paibon
    - 3.1.5. Pura Subak
  - 3.2 Pekarangan Desa utawi tanah Banjar lan Telanjakannya
  - 3.3 Tanah Pekarangan Paumahan, Tegal miwah carik
  - 3.4 Margi lan Lurung
  - 3.5 Telabah utawi Tukad
  - 3.6 Setra utawi Tunon.

#### ***Pawos 2***

1. Desa Adat Manduang puniki ngawidangan 6 (enem) banjar :
  - 1.1 Banjar Tubuh
  - 1.2 Banjar Tengah
  - 1.3 Banjar Kanginan
  - 1.4 Banjar Jero
  - 1.5 Banjar Kaleran
  - 1.6 Banjar Gingsir
2. Wewidangan Desa Adat Manduang kegenahin antuk :
  - 2.1 Krama Desa luwire :
    - 2.1.1 Krama Ngarep : Krama jangkep sane sampun ngayahang Desa

- 2.1.2 Krama Keputungan
  - a. Krama sane nenten maduwe sentana
  - b. Krama sane nenten maderbe yayah rena
- 2.1.3 Krama Penyalah, Penyada muwang jada
- 2.1.4 Krama Pengumbaran minekadi tamiyu

## **SARGA II**

### **PETITIS LAN PAMIKUKUH**

#### ***Pawos 3***

Desa Adat Manduang ngemanggehang dasar :

1. Pancasila sekadi mungguh ring pembukaan UUD 1945
2. Tri Hita Karana, manut Tatwaning Bhuana Agung
3. Undang Undang Dasar Republik Indonesia Warsa 1945 ping ajeng manut ring pasal 18

#### ***Pasal 4***

Petitis Desa Adat Manduang puniki kasurat sekadi ring sor :

1. Mapikukuh miwah ngerajegang Sang Hyang Agama
2. Nginggilang tata prawertining meagama
3. Ngerajegang Kasukertaning desa saha pawongannya sami sekala lan nisakala
4. Ngajegang tata sangat karaning utawi kerahayuaning pawongan pemekas sane ngiket pakulawargan
5. Ngajegang kesukertan seraja druwening desa miwah druwening pawongannya sami.

## **SARGA III**

### **SUKERTA TATA AGAMA**

#### **Palet 1**

#### **Dewa Yadnya**

#### ***Pawos 5***

1. Pura-pura sane wenten ring wewidangan Desa Adat Manduang inggih punika :

1. Kahyangan Tiga :
  - 1.1 Pura Puseh
  - 1.2 Pura Bele Agung
  - 1.3 Pura Dalem Kaler + Dalem Kauh
2. Pura Warga Empon Desa (manut loka dresta) :
  - 2.1 Pura Dalem Segening
3. Pura Kahyangan Empon Desa (dang kahyangan) :
  - 3.1 Pura Pucak Sari
  - 3.2 Pura Tirta Suranadi
4. Pura Warga
  - a. Pura Pasek
  - b. Pura Dukuh Belatung
  - c. Pura Merajan Tanjung
  - d. Pura Tangkas Kori Agung
  - e. Pura Dalem Mukus Panji Sakti
  - f. Pura Mergan
  - g. Pura Pacung
  - h. Pura Beradaban Nyuh Aya
  - i. Pura Dalem Tugu
  - j. Pura Dalem Tampuagan
  - k. Pura Padan
  - l. g Kerta
5. Pura Pemaksan
  - a. Pura Kentel Gumi (Penataran)
  - b. Pura Merubungan Sari
  - c. Pura Teeb
6. Pura Subak :
  - a. Pura Pesimpangan Masceti
  - b. Pura Ulunsui
  - c. Pura Bedugul 12
7. Pura Utawi pelinggih-pelinggih :
  - a. Melanting pasar
  - b. Padmasana
8. Pura Penukun Setra :
  - a. Prajapati

9. Pura Paibon/Pemerajan sane wenten ring wewidangan Desa Adat Manduang.
  - a. Ring Banjar Tubuh
    - Paibon 4 (petang) pelebahan
    - Merajan asiki (1)
  - b. Ring Banjar Tengah
    - Paibon 4 (petang) pelebahan
  - c. Ring banjar kanginan
    - Pemerajan akutus (8) pelebahan
  - d. Ring Banjar Jero
    - Pemerajan Siki (1)
  - e. Ring banjar keleran
    - Paibon Asiya (9) pelebahan
  - f. Ring Banjar Gingsir
10. Paibon Piodalan (Pujawali)
  1. Pura Kahyangan Tiga :
    - Pura Puseh : Weraspati Umanis Dungulan
    - Pura Bale Agung : Purnama Kapat
    - Pura Dalem Kaler : Buda Wage Kelawu
    - Pura Dalem Kauh : Buda Wage Langkir
  2. Pura Dalem Segening ring Sanicara Paing Langkir
  3. Puncak Sari
    - Piodalan Alit ring Anggara Kliwon Prangbakat
    - Piodalan Ageng ring Purnamaning Kedasa
  4. Pua Tirta Suranadi :
    - Piodalan alit ring Caniscara Kliwon Wayang
    - Piodalan Ageng ring Purnamaning Kedasa
  5. Pura-pura sane lianan keaci antuk pengempon sowang-sowang manut dresta
  6. Ritatkala Pujawali mangda karuntutin antuk wewalen sane manut dresta

### **Pawos 6**

Ring sowang-sowang Pura patut wenten pamangku sane ngaturang sehananing yadnya :

- a. Wiwitan Sang Dados Pemangku :
  1. Mawiwit antuk sesudin karerenin antuk karma
  2. Eling aksara
  3. Sane sampun jangkep
  4. Sane ten cendangga (bongol, peceng, perot, badil, dimpi)
- b. Sang keangkat dados Pemangku :
  1. Nunas Waranugraha ring pura, malarapan sesajen pawintenan
  2. Mawinten patut kapatutang antuk Sulinggih (Ida Pedanda)
  3. Sang Sane dados Pemangku Desa Tan Dados keanggan prajuru
- c. Sang Kasudi dados Pemangku riwus puput pawintenannya patut :
  1. Nganinin gaguet ucaping
  2. Tan ngelempasin sastra agama
  3. Ngemargiang sapari polah pemargin pemangku
  4. Kapasinggih manut kawigunannya

### **Pawos 7**

Swadarmaning Pemangku :

1. Usaha stiti bakti Betara sesuhunan, utamanya ring Sang Hyang Widhi
2. Ngenterang/ngastawayang sahanan yadnya ritatkala patirtan utawi Yadnya sewosan ring pura, utawi banyun cokor
3. Ngastawayang/ngawekasang, ritatkala wenten krama ngaturang punia, pemargin mapenawuran utawi peneduh ring pura
4. Ngastawayang sehananing memuat suci ring pura, kaluwarga nedunang utawi ngelinggihang Ida Bhatara/Prelingga
5. Ngaturan aturan ngangken preprainan, purnama, tilem, kajeng kliwon
6. Nuntun krama sane sewosan mangda stata stiti bhakti ring widhi, melaksanakan dharma manut agama
7. Pemangku-pemangku des yogya nyiratang tirta ring krama sakewenten krama sane kesinggihang patut sangkaning kalugra antuk sangka siratin

### **Pawos 8**

Ritatkala ngenter yadnya ring pura desa, pemangku desa inucap kepatutang :

1. Pinaka penganter pengarep ring pura
2. Yogya polih pengerembang ring pamangku desa
3. Yogya niwakang pituduh ring pemangku desa
4. Yan prade mangku desa sane marep polih kapialang dados kemargiang olih pemangku desa sane siosan
5. Yan ana pemangku keni ujar ala, ulah ala, pemangku punika patut kaprayascita olih sang ujar ala manut dresta, kesaksiang olih krama desa, tur sang ujar ala keni pamidanda geng arta manut pararem
6. Yan ana kabuktiyayang pemangku punika amung pang paraning laku, nyasar ring sesana, pemangku inucap tan wenang kesepuh malih, tur patut keusanang

### **Pawos 9**

Olih-olihan pemangku desa :

1. Polih dana punia satunggil amasa, saking krama manut pararem
2. Kaupakara antuk krama desa, indik pangupakaran pawintenan lan prayascita
3. Keupakara Pitra Yadnyanya riwekas antuk krama desa, tur pemarga pitra yadnyanya alit kelaksanayang ring peputusan sane mawidangin saha kaantur antuk krama desa maduluran suara gendongan
4. Yan sapa sira dados pemangkus desa wenang jada
5. Olih-olihan pemangku ritatkala partirtan:
  - a. Aturan ring rayunan  $\frac{1}{2}$  (atenge)
  - b. Aturan ring ngerurah samian
  - c. Kadulurin antuk pengundang pemangku manut dresta
  - d. Sarin canang polih  $\frac{1}{3}$  (apeteluan)

### **Pawos 10**

1. Sahanan aturan arta, mole-mole miwah saha luwirnya patut kadruwe antuk inucap
2. Sahanan Sang ngaturang ring ajeng nomor satu inucap patut mesadok ring kelian inucap, wus keastawang ring pemangku,

aturan inucap patut keunggahang ritatkala tur kauningayang ring krama desa.

3. Sesarin canang patut :

- Ke desa 1/3 (peteluan)
- Ke pengempon 1/3 (peteluan)
- Ke pemangku 1/3 (peteluan)
- Yen wenten anak maturan piodal ring pura desa, kedadosang manut pararem.

**Pawos 11**

Indik Ngentosin Pemangku :

1. Jero mangku seda/lampus
2. Keni penguyangkan gering agung
3. Pinunas Jero Mangku inucap
4. Jero Mangku ngelaksanayang sangkaning kacihnayang melaksana dusta.
5. Para Jero Mangku kausanang sangkaning nora utawi malarapan saking melaksana asta dusta pemangku inucap keni pamidanda manut pararem
6. Antuk jero mangku kaicalan rabi (seda) utawi kepatutang sentana dados ngalap rabi malih apisan sangkaning rahayu, tur pemangku inucap nyepuhin raga, katodia antuk prajuru adat.

*Catatan : lantaran pemangku saking kapurusa.*

**Pawos 12**

Indik Kasukertn Kahyangan.

Sahanan krama desa patut nureksa, nyaga mangda kasukertan kalih kesucian kahyangan desane tan kala tehan.

1. Sane tan kalugra ngeranjing ke pura :
  - a. Sang sebel ring raga, raja sewala, durung utus akambuan, kruron.
  - b. Cuntaka sangkaning kelampusan
  - c. Sate ageng, sajawaning mapapada.
  - d. Makta barang sane ngeletehin makadi tawulan manusa

- e. Jatma sane kapianggeh patita luwireh panak bebinjat, beling tan wenten ngangkenin, tan kasinanggaskara, jatma buduh, sakit lila muwang sakancan cendala sewosan sadurung polih prayascita manut agama
  - f. Mabusane sane tan patut manut tata tertib ngeranjing ke pura
2. Sane tan keni sebel :
  - a. Ida sang meraga Sulinggih
  - b. Pemangku (sane sampun pastika Eka Jati lan Dwi Jati)
3. Sapratingkah laksana sane tan wenang kemargiang ring pura:
  - a. Masumpah (naapkor) sajawaning sangkaning pituduh utawi kauwakang olih prajuru.
  - b. Maujar ala, maulah ala, wak purusya/nemah misuh
  - c. Mejajal, mayuda, punapi malih meturah, kebawos ngeletin
  - d. Manehang wastra, manehang pusung miwah sane siosan
  - e. Makoratan, makolem lanang istri, masarengan dados asiki, masenengan matemu rasa, masanggama miwah sane sioasan
4. Yan kabuktiang krama sinalih tunggil ngeletehin kadi kabaos inucap ring ajeng, patut keni mapindanda geng arta manut pararem saha pemerayascita .
5. Yan kahyangan desane keni kedurmanggalan sekadi panca baya, sehanan sewangke-wangke sata ageng sang manggihin patut digelis masadok ring prajuru mangda prajuru gelis ngelaksanayang prayascita utawi upacara sewosan manut agama.
6. Prada wenten jatma utawi krama desa kerauhang ring pura patut digelis kepintonin olih kelihan pura inucap antuk geni sane sampun keastawayang, yen ten jati, wong inucap patut keni pamidanda manut pararem.
7. Yen wenten wong edan, ngerusak pelinggih ring pura, wong inucap patut mecikang sahanan sane karusak tur keni prayascita manut agama
8. Ritatkala upakara yadnya tan kedadosang ngangge kaset

**PALET 2**  
**RESI YADNYA**  
***Pawos 13***

1. Sane pacing mapodgala utawi maduwijati sadurungne patut polih panugrahan saking Parisada Hindu Dharma lan Kantor Agama, maka cihna Sang pacang mapodgala inucap sampun wus katitehin, katureksain indik sahanan kawentannya/paweruh lan paragannya tan ngalempasin kecap sastra, dresta, sulaksanania, kaweruhan, manut agama lan sesana sane pacang kemargiang.
2. Prajuru patut ngitenin/nureksain mungguhin kawentenania, angga lan laksana sang pacang mapodgala, mangda jakti tan lempas ring kecaping agama
3. Yan prada tiwal ring kecapin agama I Prajuru, wenang tan ngeraremin.
4. Risampun puput upacara tur naben ida sampun mapica parab I Prajuru patut ngawedar indik lan pamargin sang putus madwi jati
5. Sang Mawinten sane pacang ngemargiang nyoteng, dalang, ngusadain patut masadok ring I Prajuru, I Prajuru wenang nitinin kewetenania tur nyaksiang upakarania, selanturnia iprajuru wenang ngawedar indik tatujon pamargin sang inucap, rahwing ring wates wewidangannia prada nyasar/lempas ring kecaping agama. I Prajuru wenang ngadeg upakarania
6. Ida sang putus sane kaeadegang pinaka siwa (guru loka palasraya) antuk desa kepatut ring sor :
  - Upacara padiksan lan pratiwa Ida riwekas kalaksanayang antuk karma desa
  - Pinaka panuntut I krama desa ring indik tatwa lan upacara agama
  - Muputang upacara ring kahyangan utawi upacara ring I krama desa
  - Pinaka kerta desa patut matiwak pengaskara, pamerayascita, ring sang dus kerti
  - Krama pinih singgih genah ida, tur patut katuran pangresi bojana

- Tan patut muputang upakara/yadnya sane kantun sajeroning wicana

### ***Pawos 14***

1. Krama adat katuntun olih i prajuru wenang nitenin seperi polah yadnyania mangda
  - Sehanan yadnya sane kaltangang madudonan nanging manut ring kecaping agama
  - Tan nyasar laku, tan manut ring suwedarmen kalih sesanania
2. Yan prada wenten sane tan manut, napi malih nyasar laku madasar Tri Pramana (bukti, saksi, lan ilikita) pemangku, pandita, utawi nabenia patut katunasin pamutus ane patut.
3. Tetiwak sang nabe sane sampun kesanggre/kakukuhang olih sang ngewerat utawi guru wisesa, pinaka pamutus pinih pastika.

### **PALET 3 INDIK PITRA YADNYA**

### ***Pawos 15***

- a. Sahanan upakara pamereteka sang lampus kabaos Pitra Yadnya, sekadi : mersihang sawa, mendem sawa, ngeseng sawa, atiwa-tiwa, kelanturang antuk pangeroras rauh ngalinggihang ring Dewa Hyang
- b. Mendem sawa utawi ngeseng :
  1. Genah mendem ring setra ugi
  2. Ida sang sulinggih wenang polih genah/linggih atiwa-tiwa manut dresta.
  3. Pemargin padewasan mendem utawi atiwa-tiwa taler kapidabdabin nganutin patengen desa, kala, patra, pangutangania nganutin wariga manut dresta
  4. Yan parade sang kelampusang kawentanania kobet, kalugra makingsan tan ngangge kagumuk pamereteka sang lampus inucap kalaksanayang ring panamaya paduwesania manut panugrahan Ida Sang Sulinggih

5. Yan sane krama kelampusan rikala wali ring kahyangan desa, pemargin mendem mangda sesampun puput ngaturang wali.

#### **Pawos 16**

1. Sehananing pejah : ulah pati, salah pati, wenang bakta budal, nanging ring genahnia pejah patut maupekara wenten pengulap.
2. Yan ana wong istri mobot lampus, tan wenang kependem sedurung babotannia embas
3. Prade wenten wong padem ring bangket, tegalan, sang madruwe kepatutan utawi waris patut keni pamerascita lan pacaruan sealitnia amanca warna, tur kelaksanayang ring genah inucap, mesengker asasih (42 hari)
4. Yan wong padem inucap ring ajeng tan keni elingin wenang katur ring sang ngawerat Guru Wisesa, mungguhin upekara pamerayascita ring desa kelaksanyang antuk/olih ikrama desa.
5. Yan ada ngangkenin sang padem inucap ring ajeng patut keni pengupa kara kaletahan inucap
6. Prade yan anak anak tiyos kaebenang ring desa adat Manduang, yadiapin nyarengin krame ring desa adat Manduang, patut keni penunjang batu lan penekun setra
7. Yen ana krama ayat ngaben dadakan tan wenang nyekung sawa lintangan ring pitung rahina (dina)

#### **Pawos 17**

Swedarmaning krama ritatkala kelayuan ;

- a. Swadarmaning krama sane kelayuan, patut digelis nyadokang ring Prajuru (Bendesa) pacang nusas tetimbang indik tetujon pemargin kawentenanipun :
  1. Mependem
  2. Pelebon/ngaben
- b. Swedarmaning Prajuru patut mari tetes pemargin sang kelayuan manut kawentenannia tur nyuwarayang kulkul manut tetujon.
- c. Swadarmaning karma sane tiyosan patut sayaga nedunin patus, tur ngeremba sahananing karya sang kelayuan manut dresta

- d. Ritatkala mersihin sawa, ngemargiang sawa ke setra saha upakara siwosan tan wenang mewig-wigan wiadin ngarap minekadi sane sewosan, mapan tan manut ring putusaning Parisada, napi malih ngantos ngerusak yadnyan sang kelayuan.
- e. Yan ana karma sinalih tunggil mamurug kecaping iki wenang keni pamidanda manut pararem.

### ***Pawos 18***

1. Sang patut keabenang :
  - Sehanan sawa sane sampun mayusa apupak (maketus untu)
  - Sehanan sawa sane ten kabawos letuh
  - Sehanan sawa sane kabawos letuh, yan sampun riwus puput sengkernia saha upakara penebusan manut agama
2. Yan sawa rare sadurung meketus untu, wus langkung tigang sasih (tiga bulan) yogya ngelungah
3. Sinalih tunggil karma yan pacang atiwa-tiwa patut ngemargiang patus
4. Tingkahing ngangge patus, wenang ngangge patus banjaran.

### ***Pawos 19***

- a. Yan kramaning patiwan masa padgata kala pemarginnia kadi ring sor :
  - a. Ngerabas , ngaryanin margi ke setra
  - b. Ngaryanin rompok
  - c. Ngaryanin pesanggrahan/pawedaan
  - d. Nangiang/ngebet sawa/tulang
  - e. Ngaryanin lan makta tatakan api
  - f. Nyandang wadah lan eteh-eteh upakara siwosan, ngantos nganyut.
  - g. Sejawaning inucap ring ajeng, manut paiguman lan pengenter prajuru.

## **PALET 4 INDIK MANUSA YADNYA**

### ***Pawos 20***

1. Manusa yadnya inggih punika : upakara-upakara darmaning manusa, ngawit saking patemoning kama petak sajeroning garba wesaning ibu, jantos lampus.
2. Upakara-upakara kadi ring ajeng luwire :
  - a. Megedong-gedongan
  - b. Tatkala rarene wawu embas
  - c. Kepus pungsed/odel (ngelepas awon) 12 rahina
  - d. Tutug akambuhan (42 raina)
  - e. Rare mayusa tigang sasih (telu bulan)
  - f. Rare mayusa enem sasih (aweton)
  - g. Mapetik rambut mepupak (maketus untu)
  - h. Tutug kelih
  - i. Mapanes
  - j. Mawiwaha
  - k. Mawinten/madwijati
1. Upakara-upakara inucap ring ajeng nganuting kacaping agama: nista, madya, utama manut dresta muang sima ring desa.

### **PALET 5 INDIK BHUTA YADNYA**

### ***Pawos 21***

1. Bhuta yadnya inggih punika : sehanan upakara pabyakala ring pertiwi lan kahyangan muang sarwa bhuta kala.
2. Upakara-upakara pabyakalan ring sarwa prani :
  - a. Sarwa tumuwuh ring Tumpek Wariga
  - b. Sarwa Prani/ingon-ingon ring Tumpek Uye
3. Upakara pabyakalan ring pertiwi miwah kahyangan lan sarwa bhuta kabawos mecaru, luwir ipun :
4. Sejebaning munggah ring ajeng, malih pabyakalan marep ring manusa manut wiguna.

5. Malih tatkala Tilem Kesanga kawentenang Tawur Kesanga

**Pawos 22**

- a. Sedurung ngaturang Tuhur Kesanga, patut ngemargiang pemelastian sinalih tunggil kadi ring sor :
  - a. Ring Segara
  - b. Ring Danu
  - c. Ring Datu (Celebutan)
- b. Ritatkala Tilem Kesanga (Tahur Kesanga) patut ngelaksanayang kadi ring sor :
  1. Ring perempatan Agung Desa Adat/Banjar : kawentenang pecaruan jagat, agung alit pengambilane nganutin desa, kala, patra
  2. Ring pura-pura Desa olih Prajuru, Pemangku/manut desa, kala, patra.
  3. Ring Dadya/Pemerajan, kalakasanayang antuk sowing-sowang pengempon
- c. Nyoreang kawentenang pangrupukan mabuwu-buwu, pengerupukan, kapidabdabin antuk Prajuru mangda tan jantos ngawinang kerusakan utawi baya, tur magda lengkungan ring tengah wengi.
- d. Ring rahina Penyepian patut ngemargiang brata penyepian (catur brata) manut agama luwir ipun :
  1. Amati geni
  2. Amati Karya
  3. Amati Lelungan
  4. Amati Lelungan
- e. Pemargin brata Penyepian manut kawentenan : desa, kala, patra saha keturunan olih Prajuru desa utawi sang sane kasudi. Pengawit pemargin catur brata penyepian patut kacihnayang antuk swaran kulkul manut pararem
- f. Sang sane mamurug brata Penyepian patut keni pamidanda manut pararem, sawawaning sane sampun polih lelugrahan manit wigunanya kalih pakobetnyane utawi pialang antuk Prajuru.

- g. Rahina benjangne semeng, ngembak brata Penye pian macihna antuk swara kulkul
- h. Ring rahina ngembak geni, mapiteges pengelukatan bebatas semadi sowing-sowang, karma adat patut nunas pengaksama ring kadangnia lan maka cihna pengawit dewasa lcaka Warsa.
- i. Pemargin Penye pian ketitenin olih tanda (pecalang)

## SARGA IV SUKERTA TATA PAKRAMAN

### PALET 1 INDIK KRAMA

#### *Pawos 23*

- a. Sane kabawos Krama Desa Adat Manduang, inggih punika kulawarga sane sampun majangkepan, ngemong karang yadin tan ngemong karang
- b. Sehenan sang jenek magenah ring desa Manduang sinanggeh wong desa Manduang
- c. Sejaba punika senanggeh tamiu, umpami Guru Wisesa sane saking dura desa
- d. Sang nerima tamiu patut mapisadok ring Prajuru sajeroning arahina.

#### *Pawos 24*

- 1. Sehanan warga desa sane sampun merabian, patut tedun mekrama.
- 2. Krama inucap mewasta ayah-ayahan ngarep
- 3. Ayah ngarep sane sampun wenten sentanannya merabian, wenang nyada, ayah nyane olih sentana sane sampun merabian ngentosin mewasta silidihi.

4. Wenang nyada yan sampun mayusa 65 tahun
5. Krama sane wawu tedun mekrama keni pamopog geng arta 3 kg beras
6. Pemopog kepah sekadi ring sor :
  - a. 1/3 keranjingan ke desa
  - b. 2/3 keranjingan ke banjar

### **Pawos 25**

- a. Sinalih tunggil kaluwarga wusan mekrama desa inggih punika :
  1. Sane kawastanin ninggal desa Manduang sakaning rahayu luwire :
    - Transmigrasi
    - Nunas wusan mekrama
    - Ngelilingin padruwenan ring dura desa
  2. Nenten nganutin pemargin awig-awig desa adat Manduang
- b. Sulur kalih tata ngenorayang luwire :
  1. Pastika wenten sudosan ipun
  2. Tan tinut ring pituduh Prajuru indik nyupat raga, ngesehin salah prawerti
  3. Katibakin pamidanda norane olih kelihan desa (Bendesa)
  4. Pamidanda ngenorayang inucap katur ring Guru Wisesa
- c. Sang wusab mekrama tan wenten polih pahpahan sangkaning druwen desa utawi banjar
- d. Desane wusan mapeweh pasayuban luwire ring anak sane kanorayang
- e. Yan wenten anak rawuh ngawit saking matinggal sangkaning rahayu, prade nemuang baya pati, dados mapendem ring setra sakuwub desa adat  
Manduang patut keni penanjung batu manut pararem Prajuru Adat
- f. Yening prade wenten jadma padem sakuwub desa adat Manduang tan wenten ngangkenin wenang sang manggihin ngerawuhang ring Guru Wisesa

### **Pawos 26**

- a. Tedun makrama ngawit rahina Nyepi
- b. Sahanan wusan makrama kaetang premangkin (Keilikitayang)
- c. Nangken ayatan panemaya inucap, kelian banjar soang-soang ngewantunin nyacah jiwa, ngetangang kalih mastikayang pekraman miwah ayah-ayahan kadi ring ajeng (1) ring wewidangan soang-soang
- d. Kepastian inucap digelis kasuratang ring ilikita (pipil) utawi kartu karma.

### ***Pawos 27***

- a. Sehenan warga desane patut :
  1. Dreda atuang ring desa/pageh bakti ring desa
  2. Tinut seturut ring daging awig-awig, pararem-pararem miwah geguat-geguat desa
  3. Tan maren ngutsahayang desana nyidayang nyujur tetujonnya kadi munggah ring pawos ping 3 ring ajeng
  4. Natak panes tis kartin desane
- b. Wong desane sane sinanggeh tamiu patut :
  - a. Tinut ring tetiwak desane nganinin indik ngupadi kasukertan desane ring skala
  - b. Tan wenang nungkasin sepermarginal kartin desane

### ***Pawos 28***

1. Sehanan wong desa rahuwing sang sinanggeh tamiu, wenang polih pesayuban ngemanggehang kasukertan raga, agama saha druwen nyane soang-soang
2. Sahanan warga desa wenang polih penganyom prajuru manut dresta nganinin :
  - a. Sangsaskara kauripannya sane mabuta, mastikayang iketan sulur pakulawangan

- b. Kasukertan miwah kasucian raga, parhyangan miwah karangnyane soang-soang
- c. Kesukertan druwenyane soang-soang
- d. Kabawosin tur katiwakin pemutus sehanan wicarannya

### ***Pawos 29***

- 1. Sehanan krama, patut nyarengin paruman desa utawi banjar, saha wenang nyarengin mastikayang pemutus.
- 2. Yening pacing nyarengin parum, sanistana patut ngangge busana adat madya :
  - 1. Lanang : Selempod, destar saha lelancingan
  - 2. Istri : Kebaya lan slempod

### ***Pawos 30***

- 1. Banjar wenang ngardi awig-awig miwah pararem-pararem maka pemikukuh nyane.
- 2. Awig-awig kalih pararem Banjar tan wenang lempas ring awig-awig muwah pararem-pararem desane, saha taler kalingga tanganin antuk Kelian Desa/Banjar lan Kepala Desa, maka pamikukuh dumogi dados lumaksana.
- 3. Banjare patut medruwe piranti pemekasnya Bale banjar lan selunturipun.

## **PALET 2 INDIK PRAJURU**

### ***Pawos 31***

- 1. Desa Adat puniki kaenterang olih Kelian Desa (Bendesa Adat).
- 2. Banjar kaenterang olih Kelian Banjar soang-soang

3. Kelian Desa (Bendesa Adat), Kelian Banjar keadegang melarapan antuk sesudian olih peparumannya soang-soang dudonan
4. Sehanan kelian patut mawiwit krama ayahan ngarep
5. Prajuru Adat ngawengku jabatan salami 4 (petang) masa, usan punika dados kapilih malih apisan.
6. Pemilihan Prajuru desa kelaksanayang antuk pemungutan suara warga manut pararem.

### ***Pawos 22***

1. Bendesa Adat (Kelian Desa) miwah Kelian banjar soang-soang kesanggra olih prajuru :
  - a. Pangliman maka wakilnyane
  - b. Penyarikan
  - c. Pasedehan pengeraksa artha brana (Petengen)
2. Wewilangan penyenggrane medudonan manut ring akeh kedik gegambelan miwah pekaryane
3. Prajuru inucap ring ajeng (1) kesudi olih Banjar soang-soang

### ***Pawos 33***

1. Swadarman Bendesa Adat (kelina Desa) miwah Kelian Banjar soang-soang luwire :
  - a. Ngenterang paruman-paruma desa/banjar
  - b. Nganterang pemargin sedaging awig-awig miwah pemutus
  - c. Ngeraksa saha ngatur tatane ngangge seraja brana druwen desa/banjar
  - d. Nuntun tur ngenterang karma ruwuhing warga desane ngupadi kasukertan sekala niskala
  - e. Nuntun saha nganterang iwarga Desa/banjar ngupadi nginggilang Sang Hyang Agama, kesucian Kahyangan, kesucian pawongan, kesucian pelemahan miwah tata caraning ngangge setra
  - f. Mawosin kalih pemutus marep ring wicara warga desane/banjar

- g. Ngewakilin Desa utawi Banjarnyane matemuan ring sapesira ugi
- h. Miwah sane tiyosan manut dresta
- 2. Tata carane ngelaksanayang miwah swadarma ring ajeng, tan maren patut anut ring awig-awig pararem miwah pamutus paruma desa utawi banjar
- 3. Pengelaksanane ring ajeng patut kasiarang ring paruma desa utawi banjar pungkur ipun
- 4. Bendesa Adat (Kelian Adat) miwah Kelian Banjar wenang natak pamutus paruman desa utawi banjar, nganinin pengelaksana swadarmannya soang-soang

### ***Pawos 34***

- 1. Olih-olihan Kelian Desa (Bendesa Adat) miwah Kelian Banjar luwire :
  - a. Leluputan pekenan-kenan manut dresta sekadi :
    - Pekenan-kenan ring Kahyangan Desa rikala piodalan
    - Pangerebonan
    - Tawur Kesange
    - Ring Pura Gelap
    - Miwah sane sewosan
  - b. Cenengan sahananing duman ring desa utawi ring banjar
  - c. Miwah olih-olih sewosan manut pararem desa utawi banjar

### ***Pawos 35***

- 1. Swadarman prajuru-prajurune siwosan wantah nyanggra nyerayanin Kelian Desa (Bendesa Adat), utawi Kelian Banjar soang-soang manut dudonan.
- 2. Olih-olihan sahaya inucap kadi daging pararem Desa utawi Banjar manut dudonan

3. Prajurune tan maren nuntun Ikrama, mangde kesucian desane sida rajeg
4. Sane patut katitenin, sahanan pamargine ngerugada sane sinanggeh duskerta miwah ngeletehin desa luwire :L
  - a. Salah timpal
  - b. Gamia gamana
  - c. Panguman-nguman rig sabha
  - d. Miwah sehanan sane sinanggeh ngaletehin manut linging agama
5. Sang kacihnayang ngelaksanayang kadi ring ajeng patut kasisipang marisuda Desa sepatut ipun
6. Prajurune nuntun mangde sehanan upacarane sida kemanggehang saha sidan Desa sapatut ipun
7. Prade wenten cihna kadurmanggalan jagat, Prajurune diugelis ngutsahayang pamarisudah nunasang ring sang Sulinggih
8. Prajurune taler patut mastikayang aci penyungsungan, pamapagan, ngusaba sane kemargiang ngewarsa apisan, manut kawentenan ring desa Manduang sampun kemargiang ngewarsa apisan, manut kawentenan ring desa Manduang sampun rajeg kelaksanayang olih Subak.
9. Upacara miwah brataning seseoian taler patut karajegang
10. Prajurune nuntun saha midabdabin penyepian mangde sida trepti melaksana :
  - a. Sipeng/amati geni
  - b. Amati pakaryan
  - c. Amati lelanguan
  - d. Amati lelungan
11. Prajurune taler patut nuntun ikrama mangda kasukertan desana setata sida rajeg
12. Luwir sane patut ketitenin, upami :
  - a. Sehanan wewastesan tanah (margi, setra, sekeluwir rahuhing tembok, pagehan, pundukan miwah sane sewosan)
  - b. Sawen, saluwiring sawen
  - c. Miwah sehanan cihnan kasukertan
13. Sang kacihnayang ngerusak wenang katiwakin pamidanda sepatut ipun manut pararem.

### **PALET 3**

#### **INDIK KULKUL**

#### ***Pawos 36***

1. Kulkul Desa miwah Banjar-banjar tan wenang katepak yan tan manut kadi daging awig-awig puniki.
2. Tabuh tetepakan kulkul Desa/Banjar masiwos-siwosan manut tetujonnya luwire :
  - a. Tengeran upakara yadnya Desa utawi Banjar (manut dresta)
  - b. Tengeran wenten sinalih tunggil warga Desa sane seda/padem
  - c. Tengeran wenten sinalih tunggil warga Desa sane istri mawiwaha
  - d. Tengeran ngawit ngelaksanayang pekaryan kadi sampun kearahang utawi kesiarang/dresta
  - e. Tengeran wenten wong keplegandang
  - f. Tengeran wenten wong desa keamuk, begal utawi kebaak/baya pati
  - g. Tengeran wenten wong desa kemalingan
  - h. Umah puwun
  - i. Pemubuan

#### ***Pawos 37***

1. Kulkuk Desa miwah Banjar tan wenang ketepak yan tan sangkaning petuduh Kelian Desa/Banjar soang-soang manut dudonan sejawaning rikala pacing ngewentenang tengeran tambengan kadi munggah ring pawos 36, angka 2 e, f, g, miwah i

2. Sang nepak tan sangkaning petuduh Desa wiadin Banjar digelis atur supeksa ring Kelian Desa wiadin Banjar buat penepakan kadi ring ajeng, pawos 36 angka 2 e, f, g, miwah i

### ***Pawos 38***

1. Swaran kulkul tengeran pekaryan patut ketedunin antuk ayahan manut ring daging dedawuhan wiadin siaran
2. Swaran kulkul tengeran baya (pawos 36) angka 2 e, f, g, miwah h, patut ketedunin antuk sahanan ayah lanang, saha gegawan parnitulung anut bayane.

### ***Pawos 39***

1. Sehanan kulkul Banjar sewidangan Desa Manduang puniki nyarengin ketepak prade wenten sinalih tunggil Banjar/Desa nyihnayang wenten amuk/baya pati.

### ***Pawos 40***

1. Swaran kulkul sekehe-sekehe sakeluwire ring Desa Manduang tan wenang nyawurin swaran kulkul Desa miwah Banjar
2. Indik kawentenan kulkul ring sawengkon Desa Manduang utawi Banjar-banjar lan pura-pura sekadi ring sor :
  - a. Kulkul Pajenengan
  - b. Kulkul Desa Adat
  - c. Kulkul Banjar Adat
  - d. Kulkul seka ring Banjar soang-soang
  - e. Kulkul ring Pura
  - f. Kulkul ring Pakaseh/Subak
  - g. Kulkul Paumahan

## **PALET 4 INDIK KULKUL**

### ***Pawos 41***

1. Luwir paruman-paruman ring Desa :
  - a. Paruman Desa
  - b. Paruman Banjar
  - c. Paruman Prajuru Desa
2. Sehanan paruman sida lumaksana yan sampun ketedunin antuk sang patut nyerengin, bilih-bilih langkugan atenge akeh ipun
3. Sehanan pamutus kautsayang pisan mangda melarapan antuk gilik saguluk, briyuk siyu, bilih tan nyidayang swarane mekehan sianggeh pamutus
4. Ring sehanan paruman tan maren kemanggalain antuk pangarcana ring Ida Begawan Penyarikan maha widi widana (cane) taler maduluran antuk pangastungkara

#### ***Pawos 42***

1. Paruman Desane patut kewentenang sekirang nyane atahun apisan seusan Nyepi.
2. Ngangkén paruman kadi ring ajeng, Kelian Desa (Bendesa Adat) patut nyiarang pemargin ngenterang desane, pemekas nganinin indik :
  - a. Pemargin, penelas miwah sulur artha brana druwen Desa
  - b. Pemargi usaha-usaha Desa sane mabuat
  - c. Sahanan wicara saha pamutus-pamutusnya
  - d. Daging pararem-pararem miwah paswara-paswara sane mabuat
  - e. Rencana Prajuru nganinin usaha kartin Desane kapungkur
  - f. Miwah sane sewosan
3. Sehanan dedaunan ring ajeng katitenin saha katiwakin pamutus antuk peswaran desane
4. Pemutus paruman inucap ring ajeng sinanggeh sepat siku patut kalimat antuk wong desane sami, pamekas antuk Prajurune.

#### ***Pawos 43***

1. Sejaba kadi munggah ring ajeng, paruman desane taler patut kawentenang prade kawidi olih krama desana sanistana sareng abanjar.
2. Sang ngewidi patut mastikayang bantang sane sandang bawosang ring paruman inucap.
3. Paruman kadi punika taler patut kewentenang kadi munggah ring ajeng.

#### ***Pawos 44***

1. Paruman Prajuru desana patut kawentenang sanistana ngesasih apisan.
2. Paruman katuntun antuk Kelian Desa (Bendesa Adat).
3. Sedahan prajuru desa wenang nyarengin paruman prajuru desane
4. Paruman prajurune kawedangannya wantah ngericikang tata upaya ngelaksanayang usaha miwah pangerencana saka luwire
5. Sehanan rerancangan
6. Bilih-bilih perarem sane pacang niwakin tetegenan ring ikrama, tan wenang kalasanayang sedurung kapikukuhin antuk pemutus paruman desa utawi banjar manut dudonan.

#### ***Pawos 45***

Paruman desana wantah sinanggeh pangewisesa sane nyelem putihang tata pengenter desa manut dresta.

### **PALET 5 INDIK DRUWEN DESA**

#### ***Pawos 46***

1. Sane kapianggehang druwen Desa Adat Manduang kadi ring sor:
  - a. Kahayangan Desa, mekadi Kahayangan Tiga.
  - b. Banjar-banjar sakuub Desa Adat Manduang.

- c. Tanah pelinggih pura-pura
  - d. Tanah pekarangan banjar
  - e. Tanah pekarangan desa / PKD
  - f. Margi / rurung sewewengkon Desa Adat Manduang.
  - g. Tanah-tanah pelaba pura
  - h. Tanah setra / tunon saha tane, tuwuhnya
  - i. LPD
  - j. Tanah Sekolah SD 1 Manduang
2. Peranti-piranti druwen desa miwah banjar luwire :
    - a. Wewangunan kahyangan saha upekarannya.
    - b. Bale banjar saha luwirnya
    - c. Bale kulkul
  3. Lelanguan saka luwirnyane manut dresta.

**PALET 6**  
**SUKERTA PAMITEGEP**  
**Kaping 1**  
**Indik Karang, Tegal lan Carik**

***Pawos 47***

1. Sehanan karang paumahan patut :
  - a. Pastika wenten wates ipun
  - b. Mapemedal ke rurung utawi ke margine (tan wenten kabebeng).
    - Yaning karang punika karang PKD wenang polih margi utawi rurung manut tulukan ipun
    - Yaning karang punika mapipil / Sertifikat. Indik rurung nyane mangda kawirasayang ring penyanding utawi tulukannya.
  - c. Ngardinin ke asrian karang miwah telajakan.
2. Kelian Desa (Bendesa Adat) patut ngutsahayang mangda sami karange kadi ring ajeng kawentenannya.

***Pawos 48***

1. Sehanan krama patut ngewatesin karang nyane soang-soang jantos sida trepti nyatur linggih
2. Wates karange sane majepitan, patut kategen olih kramane sane mehuluan kewates inucap manut dresta.
3. Taru miwah olih-olihan sane maurip ring watese kadi ring ajeng kadruwene olih krama sane negen inucap.

***Pawos 49***

1. Tan wenang nanem utawi nunjel sawe miwah awak-awaking sane ring karang paumahan.
2. Taler tan wenang makta / ngenahang barang sane ngaletihin sajeroning ring karang desa bilih-bilih yang kaletehan ngelantur sinanggeh ngelimbakang ngeletehin desa manut agama

**Kaping 2**  
**Indik Pepayonan**

***Pawos 50***

1. Tanem tuwuh tetangunan saka luwire tata karang tan wenang naonin miwah ngawinang pocol utawi ngarebrebin karang penyandingnya.
2. Prade wenten asapunika, wenang kesepat gantungin utawi ketiwakin pamidanda siwosan.
3. Tanem tuwuh miwah tetangunan sane mebaya ring penyandingnya, penyepat gantung wenang maren adepa agung ngajerowang saking wates
4. Sehananing penyengker sane pacang kewangun marep pinggit margi atur uninga ring prajuru.

**Kaping 3**  
**Indik Wewangunan**

***Pawos 51***

1. Sehanan warga desa tan kepatutang mekarya wewangunan nyapcap pekarangan wewangunan anak sewosan.
2. Yaning pacang mekarya rurung linggah ipun kepatut manut dresta luwire adepa agung adepa belah sanistana adepa.
3. Linggah rurung inucap ring ajeng manut ring perarem sang pacang ngangge rurung punika marep ring madruwe tanah sane keanggen rurung kesarengin antuk prajuru adat pinaka saksi / pamutus saha saking guru wisesa pinaka pekeling.
4. Tan kepatut ngenahang barang padruwean ring margi utawi rurung desa adat manduang melintang ring arahina.
  - a. Yan nyantos lintang ring arahina patut keni pemedanda manut pararem, prajuru tur barang punika patut kekisidang olih sang neruwenang.
  - b. Sane nitenin utawi niwakang pamidand inggih punika prajuru Desa Adat.
5. Tan kedadosang nyemuh gabah ring margi agung utawi rurung,
  - a. Yan wenten sane mamuwuk patut keni pamidanda manut pararem prajuru adat
  - b. Sehanang margi sane wenten wing sawewengkon Desa Adat Manduang kapatutang taler polih petulung pamiara ke asrian saking ikrama desa adat, marep ring guru wisesa agung pamiara ke asrian wewidangan.
6. Tan wenang ngewentenang wewangunan sajeroning kakuwub margi.

## **Kaping 4 Indik Wewalungan**

### ***Pawos 52***

1. Sehanan warga desa sane miara saka luwir wewalungan, patut sayaga nitenin negul utawi ngelogorin mangda ubuhannya tan wenten ngerusakin karang utawi abian anak siwosan, bilih-bilih mangda ampunang jantos ngeranjing / ngeletehin kahyangan.

2. Prade wenten wewalungan ngeleb saha ngeranjing pekarangan siwosan, sang madruwe karang patut melungguhang ring sang madruwe wewalungan. Bilih yan ngawanang kerusakan, kedulurin antuk nunasang bawos wing keliannya mangda katiwakin pemedanda agung alit manut sudosanne.
3. Bilih ring asasihe jantos pang tiga sampung melungguhang wewalunganne wenang ketaban. Penabanan punika patut uningang ring kelian banjare.
4. Wewalungan tetabanan inucap wenang katebus olih sang nruwenang, agung alit penebuse katiwakang antuk kelian banjar, kedulurin danda manut kerusakan sane kawetuang.
5. Bilih ring asasihe kantos pang tiga metaban kadi ring ajeng, wewalungan wenang keambil tan patebasan. Pemargine naban melarapan antuk panugrahan kelian banjar.

### **Pawos 53**

1. Prade wewalunganne sane ngeleb ngeranjing kekahyangan, sang madruwe wenang kesisipang antuk denda keprebeaning upekara pamarisuda sepatutnia.
2. Tata caraning melungguhang naban miwah nebas pateh kadi munggah ring ajeng.

### **Kaping 5**

### **Pawos 54**

1. Sehanan warga desa prade uning ring wenten jadma melaksana dusta digelis utawi pemangkin atur uning ring prajuru
2. Laksananing sane kasinanggeh baya dusta kecaping ajeng, luwire bacakan ipun :
  - a. Jiwa baya
  - b. Artha baya
  - c. Geni baya

- d. Pemelegandangan / raga baya
- e. Dura cara ring agama
- 3. Bilih mabuat kawentenan ipun. Sang uning inucap digelis nyuwarayang kulkul Banjar manut ring kewentenan pengelaksanaan dustane.
- 4. Palih-palihan paswaran kulkul indik kepanca bayan manut dresta.
- 5. Sang nyuwarayang kulkul inucap tan mekawon sedurunge wenten anak rawuh metakin indik kepanca bayane.

### ***Pawos 55***

- 1. Sehanan warga desa yan prade uning kawentenan baya utawi penangkan baya patut premangkin atur uninga ring prajuru
- 2. Bilih mabuat kewentenan ipun, sang uning patut digelis nyuwarayang kulkul banjar
- 3. Baya utawi penangkan baya mungguh ring ajeng upamin ipun : umah puhun, belabor, lan selantur ipun.

### ***Pawos 56***

- 1. Warga desa sane kicalan / kemalingan prade pacang mapiserep patut nunas panugrahan miwah penuntun ring Kelian Desa utawi Kepala Desa.
- 2. Prade genah meseserep ngelangkungin banjar sewosan patut nunas panugrahan utawi uwak-uwakan ring Kelian Banjare irika.
- 3. Kelian inucap ngicenin penuntun, mangda tata carane meseserep manut kadi dresta.

### ***Pawos 57***

- 1. Sehanan warga desa prade polih nuduk barang sakaluwirnia patut atur uninga ring Kelian banjar utawi Kelian Desa Adat.
- 2. Kelian inucap nyiarang barang dudukan punika, mangda sang madruwe sada mowantun ngamolihang barang nyane. Sang meriangkenin patut nyidayang nerangang / nunasang, mungguhing barang punika mula wantah druwenya.

3. Prade tan wenten ngangkenin barang inucap digelis Kelian Banjar Adat soang-soang ngelapurang ring Kelian Desa Adat (Bendesa Adat).
4. Prade tan wenten ngangkenin ring sewengkon Desa Adat Manduang patut kelanturang ke Guru Wisesa.

## **Kaping 6**

### **Indik Penyanggran Banjar**

#### ***Pawos 58***

1. Pekaryan druwen sinalih tunggil krama sane mabuat, tata penyanggarannya kususserah ring banjarnya soang-soang.
2. Banjare wenang ngardi awig-awig ngemanggehang tata carane nyanggra pekaryan kramane munggah ring ajeng
3. Daging awig-awig patut medarsana antuk arsa parama tulung ring sang mekarya, nanging tan maren mateketang kesujatian krama ring banjar miwah Desa.
4. Bilih karyane dahat bobot banjare wenang ngeruruh perampih ring sekehe teruna teruni utawi penyada
5. Yening sinalih tunggil krama desa / banjar ngewentenang yadnya ala / ayu patut kesanggra olih banjar / desa manut pebuat sang meyadnya.

#### ***Pawos 59***

1. Pekaryane sane patut kesukserah ring penyanggra Banjar luwire :
  - a. Ngupakara sawa
  - b. Sehanan pengabenan yadiastun tan pesawa
  - c. Miwah pekaryan-pekaryan sewosan manut ring awig-awig banjare (umpami : ngampung, ngrabin miwah lan selantur ipun.)
2. Sejaba kadi ring ajeng pekaryan-pekaryan ring sor punika taler kengin ketunasang penyanggran banjar luwir ipun :

- a. Sehanan yadnya
- b. Ngisidang sakeluwir wewangunan (Bale, Pawon, Jineng, lan selanturipun).

### ***Pawos 60***

1. Awig-awig banjar ring ajeng tan kelaksanayang sadurunge kecirimin antuk Kelian Desa Adat (Bendesa Adat).
2. Daging awig-awig inucap patut tan maren ngadungang mungguing wibuh kincit pekaryane ring agung alit penyembraman ring banjar

### ***Pawos 61***

1. Desa miwah Banjare mapeweweh leluputan ayah utawi pekenan-kenan ring sang keweakas asih minekadi : sakit tahunan, cedangga, ubuh.
2. Sor singgih leluputan miwah bebacakan sang luput keunggahang ring perarem
3. Sejabaning Prajuru Desa sane pastika patut polih leluputan pemekasnya :
  - a. Sakit tahunan
  - b. (Wong cedangga banget) kebawos kawelas asih
  - c. Ubu

## **SARGA V SUKERTA TATA PAWONGAN**

### **PALET 1 Indik Pewiwahan**

### ***Pawos 62***

1. Pawiwahan inggih punika panunggalan purusa lan predana (lanang istri) melarapan antuk penunggalan suka cita kedulurin antuk upesaksi sekala lan niskala

2. Pidabdab pawiwahan ring Desa Adat Manduang ngemanggehang pemargi purusa, kepatut sang kepurusa sane ngalap rabi tur kepaumahan ring sang purusa
3. Pemargin pewiwahan wenten palih-palihan ipun :
  - a. Pepadikan (kemanggala antuk pekraman) dasa rahina ngantos sekirang-kirange 3 (tigang) rahina sedurung pepadikan patut atur uninga ring Prajuru Adat lan Kepala Desa
  - b. Ngerangkat (ngerorod memargi riin sesiliban) wus punika wawu kekrunayang
4. Nyeburin, sang wadon medewek purusa kerajegang sentana ngarep sane lanang mapedewekan istri
  - a. Sane dados kaceburin sang sane madruwe sentana wadon kewanten
  - b. Yening madruwe sentana lanang asiki prade nyeburin reraman nyane kemanggehang kantun ngayahang krama
5. Pidabdab sang mewiwaha luwire :
  - a. Sane sampun munggah teruna utawi deha.
    - Sane teruna / lanang meyusa 22 warsa
    - Sane de ha / istri mayusa 20 warsa
    - Yan kirang yusane kadi munggah ring ajeng patut polih uwak-uwakan saking reramannya.
  - b. Sangkaning suka cita lan tan parikosa
  - c. Yan ngambil sewos agama patut kemanggalain antuk bebanten penyambutan yaning sampun sami radin
  - d. Nganutin kecaping agama
  - e. Mangda nganutin Undang-undang Perkawinan sane kawentenang antuk guru wisesa
  - f. Yaning wenten wong dura desa kasinanggeh tamu, jagi ngelaksanayang pawiwahan ring Desa Adat Manduang, yan tan wenten guru rupakannya kapatutang mangda wenten wali sinalih tunggil lanang utawi istri, sane dados wali mangda atur uninga ring Prajuru adat lan Kepala Desa.
6. Yan tan katinut kadi kecaping Undang-undang Perkawinan tan kasinanggeh sah.

### **Pawos 63**

Tata cara merabian ring Desa Adat Manduang :

- a. Sang pacang merabian (ngewarangang) kula wargan nyane patut mesadok ring kelian banjar indik pewartangannyane.
- b. Pemargin indik pepadikan :
  1. Dasa rahina ngantos sekirang-kirange tigang rahina sadurung pengambilan patut atur uninga ring Prajuru Adat lan Kepala Desa mekruna ping 3 luwire : ngidih ping kalih pengambilan.
  2. Ritatkala pengambilan, wargan sang predana lan purusa ngerawuhang prajuru adat lan prajuru Dinas pinaka upesaksi
- c. Prade ngerangkat utawi ngerorod, sang sane ngambil anak istri patut ngemargiang sekadi ring sor :
  1. Mapesadok tan kasepan ring awangi
  2. Ngewentenang pengelukuan ping tiga manut tata cara saha sadulurannia (tan wenang makta inuman keras).
- d. Wus pengambilan, yan sampun manut, wargan sang istri masedek ring kelian Adat jaga nyuwarayang kulkul, suaran kulkul punika patut kasuwarayang seusan sandikala manut dresta.
- e. Yan sampun pang tiga makruna, pengelukuannya durung puput wenang sane ngambil rabi nyedekang pemargin nyane ring Desa Adat Wiadin ring Guru Wisesa.
- f. Yening wenten wong sudra ngambil istri teri wangsa kangin sang sane ngambil masadok ring Kepala Desa / Kepala Dusun nunas mangda mapisadok ring sang madruwe oka istri taler kawewehin antuk rerepi sang alaki rabi.
- g. Yan wenten wong dura desa ngambil istri ring wewidangan desa adat Manduang patut wong inucap nawur upesasi adat geng artha 30 (tigang dasa) kilogram beras, dados kagentosin antuk junah memargi, pah-pahan upesaksi adat sekadi ring sor :
  - 1/3 ke Desa Adat
  - 2/3 ke Banjar Adat

### **Pawos 64**

1. Sang keicalan pianak istri yan durung wenten mapisadok sajeroning awengi, yogya digelis mesadok ring Kelian Adat nunas pamitulung meseserep.
2. I kelian Adat ngenterang pemargi meseserep tur mangda nganutin tata kramaning desa
3. Meseserep patut sesampune polih uwakan I Kelian Adat

***Pawos 65***

1. Manut Undang-Undang Perkawinan sane memargi tur sampun kesungkemin, sang lanang patut merabi asiki, sejawaning wenten pasubayan sane kawehin antuk rabine pinih rihin, minekadi ijin Pengadilan
2. Yan wenten anak istri deha bobot patut digelis kesadokang ring Kelian Adat tur mangda digelis kebawosin. Prade tan manut kecaping arep wargan sang kebobotin, tur patut ngewentenang widi widana ngaturang ring Guru Wisesa
3. Prade tan wenten sane ngangkenin bobotan sang mobot, kulewargan nyane patut keni pemerayascita ring desa, tur rarene kaupekara manut agama ke upesaksiang antuk prajuru adat.

**PALET 2  
INDIK NYAPIAN**

***Pawos 66***

1. Sang wusan merabian (palas) tan sida satinut alaki rabi kabawos nyapian.
2. Yan wusan, meperabian sangkaning seda sinalih tunggil kebawos balu
3. Sang pacang nyapian sesampune kaputus antuk guru wisesa (Pengadilan Negeri) wenang kewedarang ring Banjar utawi ring Desa antuk I Kelian Desa Adat.

### **Pawos 67**

1. Yan riwekas sang nyapian malih adung patut ngemargiang tata cara rerangkaian kadi munggah ring ajeng saha keni pamidanda 500 (limang atus) jinah bolong.
2. Yan wenten sang nyapian sane durung polih pamutus pengadilan sang asapunika kanton kemanggehang kekeninin ayah
3. Yan wenten anak istri ngambul (mecara) sang sane mepewarangan patut mesasahan, patut digelis mesadok ring I Kelian Banjar Adat, raris I Kelian Banjar Adat supekta matetes nganinin pemargin nyane sang macara, saha ilikita tur kewenanganyane kemenggahang ring sang purusa.

### **Pawos 68**

1. Balu Luh ketinggal lampus antuk suaminya utawi balu, sane pecak nyeburin patut ngemargiang swadarma sekadi ring sor puniki :
  - a. Ngemanggehang kapatibratan, tan drati krama
  - b. Ngemargiang sehanang ayah krama ring patus
  - c. Ngeraksa tur ngutsahayang lan miara sehananing wewarisan lan sentanannia.
  - d. Tan dados ngadol wewarisan sedurunge polih uwakan saking kulawargan rabine saking purusa
2. Balu sane tan pageh ring swadarma luwire :
  - a. Matingkah drati krama, miwah sane sewosan
  - b. Matilar tan pasadok langkungan ring tigang sasih
  - c. Lempas ring swadarmaning balu utawi salah prawerti
3. Balu sane pageh sekadi kecaping arep, wenang katundung ring wragannia kapurusa nganutin pemutus guru wisesa (Pengadilan Negeri).
4. Prade wenten balu tan pesentana katundung olih wargania kapurusa patut polih pahpahan paguna kaya manut pengesahan saking guru wisesa.

### **PALET 3 INDIK SENTANA**

#### ***Pawos 69***

1. Mungguhin sentana wenten kaucap : preti sentana lan sentana peperasan.
2. Yan wenten perabian sane tan manut jantos metuang sentana, mangda tan kaucap astra utawi bebinjat yohya kemanggala antuk upakara
3. Prade pawiwahan tan ngemetuang sentana, kengin ngidih antuk upesaksi sekala niskala, sane kewastanin sentana peperasan saha polih pemutus saking guru wisesa.

#### ***Pawos 70***

1. Yening wenten sinaluh tunggil ikrama desa jagi ngangkat sentana patut ngemargiang asta brata peperasan saha kesaksiang sekala niskala saha polih pemutus saking guru wisesa.
2. Separipolah ugi pacang ngidih sentana patut mawirasa dumun ring kulawargannya tur mesadok ring Kelian Banjar Adat.
3. Kelian Banjar Adat patut masadok ring Kelian Desa Adat
4. Kelian Desa Adat digelis nyiarang ring krama desa sami, sang rumasa tan lali Desa Adat digelis nyiarang ring krama desa sami, sang rumasa tan lali patut nyadokang ring Kelian Desa Adat, sejeroning 3 (tigang) sasih.
5. Sesampune rawuh senger ipun sane tigang sasih, irika I Kelian Desa Adat mawosin utawi ngicenin pamutus manut sekadi kawentenannya melarapan saking pamutus guru wisesa
6. Sentanane sane sampun sah keangkat tan wenang ke waliang malih, prade kapurug patut kekeninin danda 2500 (kalih tali limang atus) jinah bolong saha kedulurin antuk pemutus Guru Wisesa.

#### ***Pawos 71***

1. Sane patut keperas keanggen sentana kadi ring sor puniki :

- a. Sang keperas patut sane meagama Hindu
  - b. Mautama saking waris pancer kapurusa
  - c. Sinalih tunggil mawiwit saking kulawarga tunggal sanggah utawi merajan, peibon lan dadia
  - d. Yening tan wenten saking pencer kepurusa kengin mewiwit saking kulawarga wadu tur nunggal paibon
  - e. Yan wenten ikrama madrebe pianak lanang wantah asiki tan dados keangkat sentana
  - f. Tan wenang ngangkat sentana, jadma sane sampun tedun mekrama
  - g. Yening wenten sinalih tunggil ikrama desa ngangkat sentana tan manut sekadi ring ajeng kedadosang ngangkat sentana sewosan yening sampun kasungkemin saking makakalih nyane.
2. Peperasan punika sinanggeh sampun puput tur patut yening sampun mahcina :
    - a. Mawidi widana pemerasan
    - b. Kesaksiang antuk Kelian Desa Adat, saha kekerabang ring paruman adat
    - c. Wenten ilikita ungguhang tata sulur pemerasan manut dudonan
    - d. Saha kepastikayang olih guru wisesa

## PALET 4 INDIK WARISAN

### *Pawos 72*

1. Sane kasinanggeh warisan inggih punika : tetamian arta brana saha ayah-ayahan ngupadi sukerta sekala niskala saking leluhurnya, arep ring turunannya.
2. Sane kaucap warisan luwire :
  - a. Due tengah, karang paumahan, pemerajan, sehananing sane ngamong wiadin ngewarisin karang PKD tan dados keadol
  - b. Peguna kayan tatadan, jiwa dana lan utang piutang

- c. Wenten arta berana miwah tetegenan utawi ayah-ayahan merupa warisan
- 3. Sane kebawos waris inggih punika : preti sentana purusa, sentana rajeg lan sentana peperasan lanang wiadin wadon.
- 4. Prade tan wenten sekadi munggah ring ajeng kasinanggeh waris : rerama dia, rerama dimisan, rerama dimindon
- 5. Prade tan wenten sekadi munggah ring ajeng kang sinanggeh waris : turunan purusa pernah kesamping, mekadi keponakan, misan, mindon

### ***Pawos 73***

- 1. Swasdarman waris patut :
  - a. Nerima saha ngusahang tatamian ayah-ayahan, kaluhurannya mekadi ngremba sanggah, pura dadia, pura kahyangan, saha pekarangannya.
  - b. Ngabenang sang kewarisin saha ngelanturang upacara pitra yadnya sepatutnya.
  - c. Nawurin utang-utang sang kewarisin pemekas utang ring desa wiadin ring pura lan utang sane sewosan.

### ***Pawos 74***

- 1. Pengepahan warisan kangkat kemargiang sekadi ring sor puniki :
  - a. Risampun ngemargiang upacara pitra yadnya lan utang piutang sang kewarisin sampun buntas ketaurin
  - b. Sisan wewarisan nyane kepah pada
  - c. Karang ayahan desa keamong antuk waris saking sinanggeh pinih marep, utawi silidihi saha tan dados ngawiwenang
- 2. Waris sane tan patut polih papahan warisan luwir ipun:
  - a. Sentana rajeg sane sampun kesah mawiwaha
  - b. Sentana sane mawiwaha nyeburin
  - c. Sentana waris sane nilar agama Hindu
  - d. Sentana Luh sane ngelaksanayang logika sanggraha (nyele polah) mewastu medrebe pianak, kewastanin sentana alpaca

guru. Yan pianak ipune keakuin ring pengelingsirnya kengin pianak ngewaris pagunakayan reramane luh kemaon.

3. Sane kangkat ngewarisin pemupu kemaon :
  - a. Balu muani sane mawit saking ngerorod nyeburin
  - b. Sang mulih kedeha, santukan ring paumahan dumun sampun kocap ninggal kedaton.

### **Pawos 75**

1. Prade pawos 72, 73, lan 74 nenten presida kemargiang patut kelaksanayang sekadi ring sor :
  - a. Ngawentenang paiguman indik waris inucap
  - b. Yening tan prasida kepuputang yogya katunasang tetimbang ring kelian adat
  - c. Yening tetimbang saking kelian adat tan keanut kawenangan ngaturang tetimbang ring guru wisesa

### **Pawos 76**

1. Prade wenten karang keputungan wenang I Kelian Desa Adat Utawi Kerta Desa Adat mawosin tur nureksa sila-silannya saha nibakang karang punika :
  - a. Waris saking kepurusa
  - b. Pepemahan kesamping yening tan wenten peperumahan, kepatutang ring pedadiaan manut dudonan
  - c. Yaning tan wenten kadi kecaping arep, wawu kengin ketiwakang ring sang tan madruwe karang paumahan, sane kasinanggeh krama ngarep, mepetunggalan desa adat Mandung, muah meagama Hindu.
  - d. Prade sane meriang karang punika langkung ring adiri Kelian Desa Adat wenang ngemargiang siwarmara (undian).
  - e. Sang ngemolihang karang punika wenang mreteka sang pecak madrebe karang inucap manut kecaping agama
  - f. Yan prade maduwe artha brana, utang piutang kasukserahang antuk sang muputang
  - g. Sang kaputungan yan lampus kepreteka antuk dadya / banjar, desa sapuputnya.

**SARGA VI**  
**WICARA LAN PAMIDANDA**

**PALET 1**  
**Indik Wicara**

***Pawos 77***

1. Sane wenang memawosin minekadi mutusang wicara ring desa, luwire :
  - a. Kelian banjar saha Bendesa prade sang mewicara sami-sami petunggalan bebanjaran
  - b. Kelian Desa (Bendesa Adat) saja Kepala Desa, prade sang mewicara masiwosan bebanjaran.
2. Prade sang mewicara tan wenten cumpu ring tata cara kelian banjar mawosin minekadi ring daging pemutusnya, wenang nunas bawos bebandingan ring kelian desa.
3. Pemutus kelian desa arep ring wicara inucap ring ajeng (2), sinanggeh wesananing kebawos ring desa.
4. Ten ngelampiasin tetimbang prajuru siwosan lan kepala desa.

***Pawos 78***

1. Sehanan wicara patut sane mawiwit kecorahan sakaluwire, miwah nungkasin daging awig-awig, pasuara miwah pararem desa utawi banjar, patut raris kabawosin tan nyantosang pesadok
2. Sejaba wicara kadi ring ajeng, patut nyantosang pesadok sang nunas bawos.

***Pawos 79***

1. Sehana wicara patut ketepasin jantos pastika janten iwang patutnya melarapan antuk : Tri Pramana (bukti, saksi miwah ilikita) manut dresta

2. Pamutuse patut tan maren nepek ring catur dresta (sastra, purwa, loka miwah desa drestane).
3. Sehanan pemutus patut tan maren ngupadi :
  - a. Mangda warga desane sayan pastika uning ring wewatesan iwang patute
  - b. Mangda sang kawon, tatas uning ring kaiwangan dewekne
  - c. Sang molih tan maren katuntun mangda sampun bas nginggilang kapatutannya, lila legawa ngampura sang sisip.
  - d. Nyapsap bibit-bibit pepinehe memusuh-musuhan

### ***Pawos 80***

1. Kelian Desa (bendesa Adat) patut nunasang pematut ring guru wisesa prade wenten wong amandel ring pemutusnnya bilih-bilih yan punika ngawenang duskertan desa.
2. Wong desa sane keberatan ring pemutus kelian desa (Bendesa Adat) wenang nunas bebandingan ring guru wisesa.

## **PALET 2 INDIK PEMIDANDA**

### ***Pawos 81***

1. Banjar utawi Desa Adat Manduang niwakang pamidanda ring krama sane sisip.
2. Indik tatiwak pamidanda patut kelaksanayang olih Kelian Banjar utawi Kelian Desa (Bendesa) Adat Manduang
3. Pemidanda punika wenten bacakan ipun sekadi munggah ring sor puniki :
  - a. Panca Pamidanda :
    1. Tulak minci (penguncah ancih).
    2. Pangrerenga (pengewa).
    3. Melencerin (nyampain)

4. Nyagsag wirasa (nguwugang perareman).
5. Anguragada Kelian (nguman-nguman Kelian)
- b. Pamidanda sewosan luwire :
  1. Ayahan penukun kesisipan (penutug)
  2. Danda artha
  3. Penikel-penikel urunan utawi penikel dadendan
  4. Upekara penyangaskara
  5. Perampangan (ngelelang)
4. Soang-soang pamidanda inucap ring ajeng (3a, 3b) geng artha sekadi ring sor :
  - a. Tulak minci (penguncach-ancih), keni pamidanda geng artha 50 kg beras lan pemopog penelas saking perencanaan ngantos rawuh penelas.
  - b. Pangrerenge (pengewa) keni pamidanda geng artha 25 kg beras, kadulurin antuk merayascita manut ring genah, keupesaksinin antuk prajuru
  - c. Melencerin (nyampain) keni pemidanda geng artha 25 kg beras, kedulurin antuk merayascita manut ring genah, kaupesaksinin antuk prajuru
  - d. Nyasag wirasa (nguwugang perarem) keni pemidanda geng artha 25 kg beras, kadulurin antuk merayascita manut ring genah, kaupesaksinin antuk prajuru.
  - e. Angrugada Kelian (nguman-nguman) keni pamidanda geng artha 25 kg beras kadulurin antuk merayascita manut ring genah, kaupaesaksinin antuk prajuru.
5. Jinah utawi raja brana pamidanda ngeranjing dados druwen Banjar utawi desa manut dudonan
6. Sehanan tetegenan warga desa ring guru wisesa patut kesanggra melarapan antuk kayun nirmala geguat ngerajegang guru wisesa minekadi :
  - a. Nawur sehananing upeti (PBB, lsp)
  - b. Ngemargiang sehananing warah-warah miwah sane sewosan
7. Pamidanda sane merupa utawi melarapan jinah bolong dados katebus nganutin pawilangan jinah rupiah kalaning punika

## **Pawos 82**

1. Petutrunan ketawur pang tiga sajeroning rawuhing pemuput, yang tan ketawur ring panemayane inucap katikelang. Dosan ketawur manut panemaya yang tan ketawur ring panemaya katikelang.
2. Malih yan paturunan lan dadosan sane sampun katikelang tan prade ketawur ngantos asangkepan punika malih katikelang
3. Selanjutnya sesampune ketikelang pang tiga taler tan presida ketawur sajeroning waneng, I Kelian Desa Adat patut ngelaksanayang rerampasan
4. Tata cara ngelaksanayang rerampasan manut sekadi ring sor :
  - a. Sedurung ngelaksanayang rerampasan patut I Kelian Banjar utawi I Kelian Desa Adat mesadok ring sang pacang kerampag
  - b. Kelaksanayang olih Kelian Banjar utawi Kelian Desa Adat, kesarengin olih krama adat sami pinaka saksi lan pangeremba.
  - c. Sang ngerampag sangkaning darsana ngambil druwen sang kerampag utawi nyawenin tanah tuwuh seakehnyane manut ring agung alit utang sang kerampag
  - d. Rerampagan kemanggehang ring ilikita tur kesaksiang
  - e. Kelian Banjar utawi Kelian Desa Adat, miteketin sang kerampag mangda digelis ketebus sedurung asasih saking pengerampagan kemargiang
  - f. Yan tan presida ketebus olih sang kerampag sajeroning waneng punika, padruwennya wenang kelelang olih Kelian Banjar utawi Kelian Desa Adat.
  - g. Jinah lelangan punika keanggen nuku utangnya ring Banjar utawi Desa Adat tur kewewehin antuk prebeya rerampagan, sisanya kewaliang ring sang kerampag
5. Sane wenang kerampag wantah barang sane kebawos kesugihan
6. Yan sang keramoang ngalengin pemargi rerampagan inucap macihna tan nganutin awig-awig Desa Adat lan petitis Desa, lempas swadarmaning krama, wong inucap wenang kedaut druwe lan ayahnya, kebawos nora (lad) tur tan polih pengayom
7. Pamidanda sisip ring ajeng presida purna sang sisip sampun :

- a. Matur piuning tur nunas pengampura ring krama Adat mejalaran antuk banten pejati katur ring Pura Desa
- b. Nunas geng sinampura ring krama banjar utawi ring Kelian Desa Adat, riantukan purun nguwak pasubaya utawi paswara ring perareman.
- c. Nawur pamidanda sane katiwakin
- d. Nawur utangnyane duk pacang nguwak tur maweweh apah dasaan, wong inucap mewali keterima sekadi krama-krama Banjar utawi Desa Adat.

### **PALET 3 INDIK YADNYA**

#### ***Pawos 83***

1. Sang mawed saking Desa Adat Manduang magenah ring jaba desa wiadin jaba kuta, melarapan antuk ngerereh pengupa jiwa tur kantun makrama adat ring Desa Adat Manduang patut nawur :
  - a. Jina pemelagaan (penuku ayahan) geng artha 6.000 (enem tali rupiah) s etunggil 6 (enem) sasih, nawur risedek rahina Sugimanek Sukra wara Sungsang
  - b. Pewilahan saluwiring wewangunan
  - c. Pewilahan saluwiring upakara
2. Penuku ayahan sane inucap ring ajeng (1a) kepah tiga, asiki ngeranjing ke desa adat, kalih pahan ngeranjing ke banjar soang-soang
3. Yening wenten krama sane ngelaksanayang Pitra Yadnya sewos desa sane nenten mekrama Desa Adat ring Desa Manduang, krama inucap sedurungnya patut mesadok ring Prajuru tur patut nawur pekenan-kenan sekadi ring sor :
  - a. Penukun Setra setunggil sawa Rp. 75.000 (telung benang tali rupiah).
  - b. Penanjung batu setunggil sawa Rp. 75.000 (telung benang tali rupiah)
  - c. Pengungkab lawing

- d. Penukun setra miwah penanjung batu ketawur antuk sane ngarepang karya
4. Sehanan upekara wiyadin seka luwire aturan ring Pura Dalem mawit saking penanjung batu, manggehang druwen desa. Tur ke manggehang ring ilikita penukun setra keranjingan ring banjar soang-soang
5. Prajuru miwah Pemangku ring Pura Dalem patut polih pahapahan saking aturan inucap manut sekadi ring sor :
  - a. Sesari sane marupa artha brana, leluwesane, mule-mule kadruwe antuk desa
  - b. Daging wewantenan punika patut kepehang tiga, apahan ketiba ring pemangku, apahan ketiba ring prajuru, apahan ketiba ring pengempon
6. Yening wenten krama sewosan desa pacang maturam sakaluwering sesangi ring pura desa, kadulurin antuk dana punia, dana punia inucap patut kadruwe antuk desa.

#### ***Pawos 84***

1. Yan wenten krama sane sampun nyada tan dados ngayahang krama
2. Yan sampun madruwe oka kekalih turmaning patut me KB
3. Yan wenten krama sane madruwe oka sane mayusa 0 (nol) tahun ngantos 5 (limang tiban) Balita patut ngelaksanayang sekadi sane kebawos Posyandu.
4. Tanah sane wenten ring wewidangan Desa Adat Manduang nenten kedadosang keadol ring sewosan agama Hindu
5. Sang sane me agama sewosan ring agama Hindu tan kedadosang ngangge setra
6. Yan wenten krama sane sampun kanorayang ritatkala kelampusan, krama inucap dados ngangge setra, nanging kepatutang keni danda atikelan panukun setra
7. Yan wenten krama sane madruwe oka mayusa 6 tahun ngantos 12 tahun patut ke ranjangan ke Sekolah Dasar.

8. Yan wenten anak alit ketinggalan meme bapa (ubuh) turmaning sampun mayusa masekolah ring Sekolah Dasar, anak alit punika patut keranjingan tur kapiara manut dudonan sekadi ring sor :
- Waris
  - Dadia
  - Banjar
  - Desa Adat

## **SARGA VII NGUWAH NGUWIHIN AWIG-AWIG**

### ***Pawos 85***

1. Nguwah nguwihi awig-awig puniki kelaksanayang antuk pararem Prajuru Desa Adat sekirang nyane limang warsa
2. Pararem inucap patut melarapan kayun gilik seguluk ngulati kerahajengan
3. Pemutus kebawosang puput yan polih sasungkeman saking Desa Adat.

## **SARGA VIII PEMUPUT**

### ***Pawos 86***

1. Awig-awig puniki kewastanin Awig-awig Desa Adat Manduang
2. Awig-awig puniki kemargiang ngawit saking keraremin antuk krama Desa Adat Manduang
3. Awig-awig Desa Adat Mandung puniki manggih kalih kelaksanayang ring wewidangan Desa Adat Manduang

4. Awig-awig Desa Adat puniki nganinin sehananing warga lan Desa Adat Manduang sehanan sane kakuwub antuk Desa Adat Manduang

#### ***Pawos 87***

Saluwiring pemargin pekraman sane durung kebawos utawi durung munggah ring ajeng sajeroning awig-awig puniki manggeh kelaksanayang manut dresta sane sampun ketah memargi, kedulurin antuk paswara utawi perarem.

#### ***Pawos 88***

Awig-awig puniki keraremin duk rahina perareman Krama Desa Adat Manduang nemu rahina Redite Pon Wara Medangsia tanggal Ping 7 Sasih ke 6 ngunya Kasa Rah 9 Tenggek 0 Icaka 1909 Tanggal 27 Desember 1987, jam 15.00 WIB.

#### ***Pawos 89***

Awig-awig sane keuwah uwihin puniki keraremin duk rahina perareman olih Krama Desa Adat Manduang nuju rahina Sukra Wata Wariga Sasih Kaulu saka 1923 tanggal 28 Maret 2002.

**DAFTAR SUSUNAN PANITIA PENULISAN  
AWIG-AWIG DESA ADAT  
MANDUANG 1987**

1. Pelindung : Bapak Camat Klungkung
2. Penasehat : BPLA Kecamatan Klungkung  
Kepala Desa Manduang
3. Ketua : Ida Bagus Nyoman Wiryawan
4. Wakil Ketua : I Dewa Mantri
5. Sekretaris : I Wayan Wisuda
6. Bendahara : I Dewa Gede Ngurah
7. Pembantu :
  1. I Dewa Ketut Oka
  2. I Nengag Simpen
  3. I Wayan Seken
  4. I Ketut Sampun
  5. I Nengah Sudana
8. Kelompok :
  - I. Pawongan :
    1. I Dewa Gede Raka
    2. I Dewa Gede Daging
    3. I Made Pasek
    4. I Gede Sobyas
    5. I Dewa Gede Pugig
    6. I Nengah Cekug
    7. I Gusti Nyoman Ngurah
    8. I Dewa Gede Oka
    9. I Gusti Made Dana
    10. I Dewa Darmarta
    11. I Wayan Parka
    12. I Ketut Mudana
    13. I Wayan Karsa
    14. I Ketut Darma
    15. I Gusti Made Suberdi
  - II. Palemahan :
    1. I Nyoman Rukig
    2. I Dewa Gede Ngurah
    3. I Nengah Mider

4. I Ketut Kisel
5. I Wayan Cekeg
6. I Nengah Punia
7. I Dewa Gede Ocoh
8. Pan Ruti
9. I Dewa Rai Suwela
10. I Wayan Renes
11. I Dewa Gede Sutarta
12. I Made Darmaja
13. I Dewa Gede Kresna
14. I Nyoman Panggih
15. I Wayan Pineh

- III. Paryangan :
1. I Dewa Gede Gulem
  2. I Nengah Padet
  3. I Ketut Gede Subrata
  4. I Wayan Ruka
  5. Pan Wisuda
  6. Mangku Keprig
  7. I Dewa Ketut Anom
  8. I Nengah Kondra
  9. I Nyoman Darsa
  10. I Wayan Surarta
  11. I Dewa Gede Sweca
  12. I Made Alit
  13. I Dewa Gede Alit
  14. I Ketut Gina
  15. I Wayan Regug

DAFTAR SUSUNAN PANITIA PENDUKUNG PENULISAN  
AWIG-AWIG DESA DESA ADAT MANDUANG TAHUN 1987

A. PARYANGAN

1. I Nengah Luwes
2. Mangku Murda
3. I Wayan Radnya

B. PALEMAHAN

1. I Nengah Sirug
2. I Ketut Murda
3. I Wayan Sukerta

4. I Nyoman Murdana
5. I Nengah Berata
6. I Dewa Gede Ardika
7. I DEwa Ketut Santosa
8. I Nyoman Jepun
9. I NYoman Enteg
10. I Wayan Ganti
11. I Nengah Sukana
12. Mangku Kota
13. I Wayan Marek
14. I Ketut Rindi
15. Mangku Miuran
16. I Wayan Sukerta
17. I Wayan Seksek

4. I Nyoman Pacung
5. I Dewa Gede Raka
6. I Dewa Made Trijaya
7. I Wayan Rudita
8. I Wayan Sudi
9. I Nengah Tama
10. Nang Remih
11. I Wayan Darma
12. I Dewa Gede Oka
13. I Ketut Ras
14. I Wayan Nurati
15. I Nengah Polos
16. I Nyoman Sumendra
17. I Dewa Gede Jumu

#### C. PAWONGAN

1. I Wayan Seregeg
2. I Wayan Alit Santosa
3. I Wayan Toko
4. I Nyoman Ruta
5. I Nyoman Sukrata
6. I Nengah Diksa
7. I Dewa Rai Kala
8. Nang Regug
9. I Nengah Tamped
10. I Nengah Wenten
11. I Nengah Sujana
12. Nang Kondri
13. I Wayan Mustika
14. I Ketut Cerita
15. Nang Tetep
16. I Nyoman Rakta
17. I Wayan Jarni

Awig-awig puniki kalingga tanganin olih Bendesa Adat / Kelian Desa adat lan Prajurunya, saha kaserengin olih Prajuru Guru Wisesa :

- |                                                                   |                                                                           |
|-------------------------------------------------------------------|---------------------------------------------------------------------------|
| 1. Kepala Desa Manduang,<br>Manduang<br>Ttd<br>(I Nuoman Mudriya) | Bendesa Adat / Kelian Desa Adat<br><br>Ttd<br>(Ida Bagus Nyoman Wiryawan) |
| 2. Kepala Dusun Banjar Tubuh,<br>Ttd<br>(I Wayan Seken)           |                                                                           |
| 3. Keluan Dusun Banjar Tengah,<br>Ttd<br>(I Dewa Ketut Oka)       |                                                                           |
| 4. Kelian Dusun Banjar Kaleran,<br>Ttd<br>(I Nengah Simpen)       |                                                                           |

Kakukuhang duk rahina Soma tanggal 11-1-1989 olih  
Gubernur Kepaka Daerah Tingkat I Bali,

Ttd

(PROF. DR. IDA BAGUS MANTRA)

**SUSUNAN PANITIA DAN PENGURUS KELOMPOK (BAGA)  
NGUWAH-NGUWUHIN AWIG-AWIG  
DESA ADAT MANDUANG 2002**

**I. Panitia**

- 1. Ketua : Drs. I Wayan Wisuda  
Wakil Ketua : Drs. I Ketut Sampun
- 2. Sekretaris : Drs. I Dewa Gede Putra  
Wakil Sekretaris : I Dewa Rai Sayang
- 3. Bendahara : Drs. I Nengah Sudana  
Wakil Bendahara : I Nyoman Suwidana

**II. Pengurus Kelompok (BAGA) dan Anggotanya**

- 1. Penasehat : 1 Pinandita I Nyoman Mudariya  
Penasehat : 1 Pinandita I Nyoman Mudariya
- 2. Jero Mangku Dalem
- 3. Jero Mangku Puseh
- 4. Ida Bagus Nyoman Wiryawan
  - Ketua : Drs. I Nyoman Merta
  - Sekretaris : Drs. I Ketut Gede Oka Subrata
  - Anggota :
    - 1. Jero Mangku Murda
    - 2. I Ketut Murda
    - 3. I Wayan Darma
    - 4. I Wayan Tangkas
    - 5. I Nengah Sirug
    - 6. I Dewa Gede Darmata
    - 7. Drs. I Dewa Gede Putra Swabawa
    - 8. I Dewa Gede Trijaya
    - 9. I Dewa Rai Swela
    - 10. I Dewa Rai Sukawati
    - 11. I Wayan Sudariya
    - 12. I Nyoman Sudarta
    - 13. I Nengah Kandel
    - 14. I Wayan Ganti
    - 15. I Gusti Nyoman Ngurah
    - 16. I Ketut Cerita

2. Kelompok (BAGA) Pawongan

|            |   |                           |
|------------|---|---------------------------|
| Penasehat  | : | I Wayan Ruka              |
|            | : | I Dewa Gede Daging        |
| Ketua      | : | I Gede Darsana            |
| Sekretaris | : | I Dewa Gede Martawan      |
| Anggota    | : | 1. I Nengah Punia         |
|            |   | 2. I Nengah Murtika       |
|            |   | 3. I Nyoman Sukrata       |
|            |   | 4. I Nengah Simpen        |
|            |   | 5. I Wayan Kertas         |
|            |   | 6. I Dewa Gede Mantri     |
|            |   | 7. I Dewa Gede Darmawan   |
|            |   | 8. I Nengah Bawa          |
|            |   | 9. I Nyoman Sutiana       |
|            |   | 10.Drs. I Nyoman Suardana |
|            |   | 11.I Gusti Putu Tantra    |
|            |   | 12.I Nengah Sukarma       |
|            |   | 13.I Nengah Kasturi       |
|            |   | 14.I Ketut Suka           |
|            |   | 15.I Wayan Terem          |
|            |   | 16.I Wayan Sukerta        |

3. Kelompok (BAGA) Palemahan

|            |   |                        |
|------------|---|------------------------|
| Penasehat  | : | 1. Drs. I Nyoman Rukig |
|            |   | 2. I Dewa Gede Ngurah  |
| Ketua      | : | Drs. I Ketut Mudana    |
| Sekretaris | : | I Nyoman Narta, S.Pd   |
| Anggota    | : | 1. I Nyoman Daging     |
|            |   | 2. I Komang Sumendra   |
|            |   | 3. I NYoman Ruta       |
|            |   | 4. I NYoman Rakta      |
|            |   | 5. I Nyoman Sudariya   |
|            |   | 6. I Nyoman Mukta      |
|            |   | 7. I Dewa Gede Oka     |
|            |   | 8. I Dewa Gede Sweca   |
|            |   | 9. I Gusti Made Kota   |

- 10. I Nyoman Suanda
- 11. I Nengah Pineh
- 12. I Nyoman Geriya
- 13. I Nengah Sukana
- 14. I Wayan Suda
- 15. I Komang Pura
- 16. I Komang Pura
- 17. I Komang Widana

#### BENDESA ADAT MANDUANG

Ttd

(DRS. I WAYAN WISUDA)